

芙蓉山館全集

芙蓉山館詩鈔卷四

金匱楊芳燦蓉裳著

讀史偶成

蓋世功名百戰餘
河山回首霸圖虛
悲歌一曲千秋在
肯信重瞳不讀書

美人愛子總難忘
倚瑟歌成氣不揚
一種聲情兩般淚
英雄末路到詞章

春夜微雪效玉溪生體

乍覺東風溼悠悠
颺拂面飄三英宜
夜賞六出鬪春嬌
寶唾從空墮
冰肌慣暗銷
縈煙低可數
隔霧遠難招
艷絕驚花骨
寒嚴禁

柳條雪光沈極浦月彩逗層霄燈燄垂紅豆茶香滿綠瓢幽蘭不成曲脉脉坐深宵

春寒曲

重衾夜覺寒威重漸慙尖風透牕縫麝炷無煙獸炭銷銀荷半滅蘭膏凍曉光罔罔團冷雲瓊糝灑面吹續紛小桃憔悴柳芽短春事十分無二分江南正是芳菲節照眼春光爛如纈水國輕寒別有情楊花吹起河豚雪

示朱圉書院諸生

伏羌古冀城風土最清美渭水縈迴流朱山儼環峙平疇如繡錯茅舍若鱗比應有竒誦人翹秀同杞梓繫余本儒生少小誦

文史生涯依破硯著韻存故紙奉檄違初心爲貧故求仕幸綰
綬半通忝分符百里遠志雖蹉跎結習未忘弭驅車莅茲邑半
載閱星晷習禮詣環林談經向槐市每喜諸生徒青衫何疑疑
西郭舊講席規模具堂庠灑掃刈蒿萊拂拭去塵滓碑書存一
二井井有條理後起賴有人前徽尙堪企教督吾所司頽廢誰
之恥況際隆平時文治越前軌風騷崇雅正詞章戒淫靡振
驚集嚴廊祥鸞儀殿所絕塵冀北過弊水天南徙讀書要世用
豈獨慕青紫義舒迅節驅景光不可恃努力自鞭策銖寸看積
累慎勿貪鬼瑣慎勿墮儻儻學豈臘等躋功休半途毀藝香當
藝蘭食魚當食鯉精故不在多泛濫胡足喜彥先吾畏友相推

三才上言金
執牛耳

謂二
學和

史解辨源流經能究終始諸生宜虛懷月旦聽

臧否求師貴聞道詎宜計年齒不見王孝逸北面交中子教學
兩相資玉石互礱砥見春風中粲粲盈桃李宛轉陳苦詞非
同束溷使敬矣青雲客勉旃天下士

隗嶽宮懷古

四七當龍鬬羣材奮草中經生習弓劍文吏有英雄飛檄聲三
罪揮兵出九攻綏疆分隴右威望震山東白水真人起金刀帝
祚隆初心原愀歎內向足謙恭壤地風煙接春秋信使追相期
作爵齒協力殄姦兇反側由羣議寬仁貢乃公偏隅憑扼塞大
勢昧朝宗氣想全師墨繇占長子凶封泥漬函谷倚劍失崆峒

愛士心徒切，攬城力已窮。
兩河精銳盡，三郡糗糧空。
自任爲鯨布，無由效寶融。
長饑豪氣短，回首霸圖終。
暇日尋荒寺，居人識故宮。
山門森檜柏，野殿沒蒿蓬。
賽社無村覲，行歌有牧童。
徘徊古原上，長嘯大王風。

有感二首

辛丑年有感
癸卯年詩成

寇盜妖氛動，衣冠劫數俱。
火炎瑜礫盡，霜殺艾蘭枯。
具獄無煩考，屯膏合受誅。
貪泉流已遍，狂藥中難蘇。
明罰原無爽，微生自速辜。
議能開法網，緩死弛刑徒。
歸骨黃墟畔，投軀青海隅。
恩威均浩蕩，幽顯共欷歔。

五夜櫓檣落，長空貫索橫。
千行飲章密，四出捕車行。
刀布收乾

沒脂膏惡滿盈齊奴財竟散主父鼎終烹當局幾甯昧相蒙勢已成甘魚先釀禍懷鳩共輕生隕首將誰咎刳心不自明空餘故人淚嗚咽只吞聲

詠鴈效李昌谷詠馬詩體六首

側目空凡鳥奇姿絕世無如遊雲夢澤須擊大鵬雛
大漠野雲開悲風四面來呼聲何處急日暮景升毫
攫人到都猛擇肉奉先饑一點凌空起長天鳥不飛
玉川搖金鏌霜毛映錦韞祇應隨壯士萬里塞垣秋
解辨梟鸞族能空狐兔羣鋒稜十二翻落落削長雲
俊逸無留賞昂藏雅自雄頭銜無限好特進上儀同

元夕同陶午莊家簪山分賦得黃柑

令節偕知己當筵興倍酣綠浮千榼酒黃破一筒柑珍品登嘉
譙清芬佐劇譚金宜盈手贈玉愛滿懷探爨雪堆盤冷瓊霜沁
齒甘分香君謔諢賭勝我尤愁景物佳堪賞家山味久諳勾圓
壓村舍錯落貯筠籃逸趣雲門寺高吟海嶽菴鱸香華采采
語柳鶯鶯話舊偏多思舊新不厭貪一般歲寒侶丹橘在江南

咏落鑑風和家簪山闌字韻

冉冉飄輪動依依銚事闌月痕搖彩暈星影逗明玕火鳳猶催
拍銅烏乍轉竿封姨偏蘊藉少女最便嬾虹落橋雙架霞收錦
一端冰荷珠蕩漾寶苣淚闌干夜色飄難定春紅翦欲殘倦拋

金葉子孤對水晶盤
虛館蘭熏歇生衣玉
艷寒預傳花信息頻
泛酒波瀾吹面銷微
醉攄懷補墜歡何當
辨金綺更買兩宵看

咏春餅和陶午莊家
畫山韻

說餅新吟就嬉春樂
事占筵當燈夕設技
是鼎娥兼銀屑搏來
膩瓊膏洩處黏千張
輕易研十字巧能添
薄落雲盈釜團欒鏡
出匳蕉心抽一束蓮
葉捲雙尖細擘吳縣
輦勻鋪魯縞織莫淘
槐汁冷罷點蔗霜甜
縷切秦人炙融調蜀
井鹽金鮮蠶乍搗玉
脆韭初醃好向辛盤
釘還宜卯酒沾故鄉
誇不託小市認青帘
分咏泮冰

日煥蘋花清冰銷杜若洲
攬田開舞景瑤鏡落春流
風翦裁雲

夜宴華製月秋闈輝搖滉漾方響戛幽修洛浦珠璫散湘皋玉
佩留鮫工精刻鑿泉客解雕鏤野渡迤迤下橫塘淺淺浮近槎
時歌沫逐浪欹成漚冷漱雲牙淨輕縈石髮稠空明驚浴鷺澹
蕩媚潛蚪大冶鎔能化微瀾渙不收江鄉此時節好放木蘭舟
寄懷系梧園

便擬從君乞釣輪江湖無恙白鷗羣煙波何處尋張翰花雪頻
年憶范雲蕭寺鐘魚同聽梵小牖鐙火舊論文只今老大傷飄
泊空把青樽對夕曛

花朝前一日赴蘭州途中雜題

馬背看花柳春光負汝多故園歸未得薄宦意如何又續離人

夢誰聽勞者歌殷勤渭水還送颶塵波

路出當亭口千山擁落門風雲隗王壘烏雀杜陵村遠水留斜
照春烟入燒痕蒼茫懷古意跋馬向高原

風土南安美農家樂事偏官崖殘臘雪疎樹隔邨煙就澗開山
碓疏渠溉水田梨花春正熟茅舍一停鞭

山名猶烏鼠異事古今疑舊迹傳神禹荒祠賽伯夷渭流清宛
宛薇出綠差差竟日探幽勝經行不厭遲

一片秦關月流光入遠春珠胎明有淚銀地迴無塵花竹圍官
閣琴樽對故人鮑家詩句好若爲鬪清新

日落洮水上行人暮愁風沙迷驛路鎧火上關樓刺促嗟身

事飄零笑宦遊誰家吹短笛苦調按涼州

行行殊未已策馬度重關野渡縱橫水斜陽犂犢山柳條青尙
短草甲綠初斑迢遞風塵路何堪數往還

題雙芍藥圖和孫季述韻

一種名花兩地開亭亭雙照饒春杯憐卿薄命休相妬伴我多
情合並栽墮砌嬌雲愁易散翻階豔影惜遲來歌前燭底添悵
觸小謝詩成有別才

疊萼交枝照眼開披圖爲把淺深杯玉盤金帶殷勤贈月地雲
階取次栽色界曇華空外現巫山香氣雨中來千卿何事閒花
草刻燭微吟也費才

又題雙芍藥圖四首寄季述

徐黃妙手寫生工，幻出仙葩各一叢。
舞向雕闌雙宛轉，護將珠箔兩玲瓏。
持縑比素知誰好，看碧成朱訝許同。
笑我風懷似元九，爲渠重賦亞枝紅。

芙蓉城裏謫仙曹，花史修成管自操。
二月韶華吟豈薏，六朝遺事說櫻桃。
鄂君繡被辭江浦，神女明珠落漢皋。
空爇沈香熏小像，行雲無定夢魂勞。

廣陵佳種記曾探，蠶粉紅橋路舊諳。
妙句輸君傳隴右，閒愁憐我滿江南。
雲因出岫情全淡，蝶爲離花夢不酣。
檢點小園凡草木，叢殘心緒學稽含。

悔把將離喚小名書生薄福誤卿卿嬌雲一朵尋無迹春恨三分豈不成各有因緣酬慧業共拋心力賦閒情在旁紅燭能知狀惓惓無眠直到明

弔李長吉墓二十韻

墓在隴西縣

竄古懷詩客尋幽弔鬼才殘碑沈礪道古墓傍巖隈仙李當中葉靈根挺異材嘔心成綺繡脫手散瓊瑰日炙春紅塆雷驚蟄戶開精奇穿窈窕卓犖變風裁百怪行閒泣千瀾筆底迴曹劉供指使屈宋合輿儻

本沈亞之語

豈是聲名誤翻教物議猜舉塲原

有避朝列本無媒短景容華換高雲羽翮摧碧虛丹篆下白蜚赤虬來颺忽人長往冥茫理莫推人間真夢幻天上有樓臺鬱

鬱金刀掩深深玉樹埋羸童愁失主古錦駝成灰暮雨神絃急
秋宵鬼唱哀白楊森若雪衰草短於苔有客羞芳芷臨風薦綠
醅敬亭三尺土相望兩崔嵬

古落門行

漢來欽破
隗純處

天水西來山百轉羈絆岡巒忽中斷雄雄沙磧野蒼茫落落邊
雲天闊遠居人識是古落門隗王舊壘今猶存當年曾此事攻
戰連營勁卒如雲屯西州反側前盟棄不識真人銅馬帝西關
已潰一丸泥設險空餘方寸地梯衝百道爭來攻戰士奔散成
沙蟲謀臣畫策失方望降將解甲憑周宗番須兵下何神速收
隴先聲已吞蜀若數中興蕩寇勳奇功第一來君叔方今寰宇

慶昇平高原沃衍農人耕耕餘往往拾敗鏃土花剝蝕殷痕腥
橫戈躍馬誇雄據青史人豪竟何處弔古聞來醉夕曛無情渭
水東流去

織錦巷歌

鸞花古巷秦川陌云是蘇娘舊時宅遺蹟誰尋濯錦坊居人尙
指支機石當年薄倖說連波寂寞深閨別恨多慧性玲瓏傳綵
管柔情宛轉託金梭誰憐一寸芳心苦幻出璇璣女媧譜百首
新詩顛倒看千行密字縱橫數舊侶重諧繡幃來此時愁殺趙
陽臺白頭吟罷空惆悵卻笑文君枉費才迴環尺幅龍鸞璧非
我佳人詎能讀別有閒愁織未成始知薄命絲堪續漫誇機絕

與鍼神未抵卿家錦樣新韻事千秋誰作記尙留餘巧付金輪

唐武后有
璇璣圖記

六盤山

羣峭摩空起縈迴上六盤馬蹄臨澗怯人影隔雲寒敢忘垂堂
戒其如行路難招提何處是隱隱暮鐘殘

過隆德縣

旅宿荒城畔停鞭日已晡野橋橫古渡秋雪點平蕪積晚牛羊

下風高雁驚呼背簷漂寓地著論憶潛夫

漢王節信先
生流寓處

宿商家堡

莫上高臺望雲沙幾萬重寒威凌白草霜氣激清鐘萍梗蹤難

定風塵興易慵一樽卮醴薄不似旅愁濃

晚至西鞏驛

目送歸鴉盡行人尙著鞭霜濃疑作雨霞暗欲成煙局促嗟卑
宦蹉跎愧壯年塵勞何日息回首意茫然

久不得荔裳書作此寄之

兄官隴東弟燕北五年別恨橫胸臆百回信到猶悵望況復經
秋斷消息白晝看雲眼欲穿青鐙照夜腸應直心事頻占烏鵲
喜夢魂恐被蛟龍得霜落秦川衰草黃風吹渭水寒冰黑宦情
羈思迫歲暮盡日行吟獨悵惻念君索米忍長飢愧我溫甯嘲
素食勞勞何異刮龜毛去去真當棄雞肋長恨人生遠別離何

心苦愛高官職甚時買得二頃田
相約歸耕返江國弟應荷蓀
兄攜耒朝出辭親暮親側臨觴
對案忽不御此意妻孥未能識
爲逢征雁向北飛附書道我遙相憶

伏羌紀事詩一百韻

聖澤敷殊俗

天聲震八紘花門何醜類草竊敢縱橫
爲尋仇收妖由博煽

成逆回田五散復新教句引匪類修理石峯堡爲聚眾之地鼠牙工發隱蝸角怒相傾先是賊匪

約於本年五月五日起事緣回民李應得首告未及期而遂反方鎮空持重中權孰使令養癰

憂內潰躡尾失先鳴賊出海城攻靖遠轉掠而南官兵尾追疎於堵截濡濡師將老曉

騰敵果勍誰當擒罔象無計掣長鯨祖厲朝呼渡靖遠從逆賊匪嚴那以待

賊因沿西安州營被劫蕭關夜斫營四月十六日事定西仍聚落賊首田五聚於狼山餘黨

僅百餘人遁至官川招渭北初翻城賊聚劫通渭之馬營監集安定回匪賊勢遂熾進攻縣城一夕而陷褻

爾當陽邑相達一日程號昏虞是齒邾柝魯聞聲中夜荒雞噉

高巖石鼓鏗先是伏邑雞未夜半輒鳴占云有兵又重圍占月境內天門山有石鼓相傳鳴則兵起

暈大角動星精縣尉能全節五月初九日賊破通渭典史溫模死之將軍竟殉名

明都統孫參將通賊沙蟲師有劫風鶴信頻驚陸地機纔發蕭於高廟山奮勇死殺

牆禍早萌朝三狙暮四晝伏鼠宵行無奈禾生莠難教石化瓊

搜牢甯有術鉤距遣誰偵城內回民馬稱驥兄弟數人從賊約為內應包藏詭秘狼卜陰

謀泄犀然詭狀呈么臍方擾擾數士獨錚錚義可捐妻子情誰

顧舅甥回民馬驥龍即馬稱驥甥也矢心先告密雪泣自輸誠嘉爾殊慷慨

緊余不聽瑩終然邀上賞可以定輿評

五月十四日回民監生馬映龍白中輝馬宏元

首告逆謀伏邑尚未設兵星馳告急猝未能至余督率漢回民

夫守城外議以回民不便同守後李制府到縣以馬映龍等舉

發內應守城出力賞給武弁劄付外議遂息

眾志堅堪恃狂鋒猝敢搜臥熊吞貉子

喉犬搏狸狽狡窟憑熏灌祇酋競抗衡交衢長鎧滿狹巷短刀

迎螳臂窮猶奮蠶眸死尙瞠駢頭填犴獄連頸縛繳纒

五月十八日請

兵未至而馬稱驥等逆迹漸露勢難復待決計擒捕賊

已持械而出當時格殺馬稱驥等四人餘皆先後就縛

消弭前邨倏鬪爭烽煙騰土埃賊騎滿山坪

十八日晚賊由縣鄉巴斯坪各村莊

縣膏回民大掠而進

跣足夫攜婦摩肩弟覺兄倉皇棄髻亂嗚咽哭嫠嫠

近郭人流血環郭火徹明姚墟餘瓦礫謝墅剩榛荆

縣北五里姚謝家莊

有武生姚以甯等率眾拒賊被害尤烈

譟或千舛沸行如一足蹙飛揚氛甚惡跳

邊色何猶呀闌摧牆壁喧厖折棟薨陣雲愁靄黠邊日慘光晶

滿谷驅牛馬連車藉稻秔爭先誇矯捷走險據巉崢賊據天門山距城里

許巖邑周防早微官性命輕俠腸原耿耿獨行信硜硜黑子城

三版青萍水一泓周苛惟誓死傳變敢求生羯末才無敵羊何

氣並英射雕驚斛律倚馬笑袁宏時羽書格釋皆出戴曉嵐暨從兄弟黃山伯初之手而黃

山登城射賊勢只伸孤掌危還藉衆擎帶刀農佩犢時招募鄉勇多至千

餘人持戢士離營邑諸生魏翰君王表等均有幹畧悉令守城健婦俱行汲羸童亦踐

更奔馳勞僕隸奮勵逮髡黥流人李忠等上城禦賊頗爲出力流電飛髻落狂

雷巨礮轟登陴均受甲給廩免呼庚四日孤塘在千夫一膽并

徒勞設梁麗屢見碎衝軻賊積草盈車伏車下逼城屢被鎗石擊斃天意爲誰怒民

心笑爾獠

賊連攻四晝夜城上矢石如雨斃其首從百餘人賊膽怯遂不敢復進

如棋爭劫勝似

博殺梟羸侵曉憑樓堞遙原見旆旌烟塵飛候騎笳吹到援兵

象主羣陰遯爻占大道亨危巢徙梟鵠舊穴聚狐麋

二十二日李制府率

兵到縣賊戰輒敗遂於二十四日遁走秦安出底店仍聚石峯堡

自昔恢王度由來仗國楨班

資周保傅勲閭漢公卿

福制府暨英勇中堂先後率京兵來甘進勦秦蜀各路官兵亦陸續雲集

玉

節來樞部銅符事遠征指麾皆頗收趨走盡韓彭爰舍嚴刁斗

轡門急鼓鉦羽書千里應積聚萬壘盛續挾全軍煥醪投眾士

醒雨甄排稱妮列騎雜斑駁貳負強遭桔防風窘待烹長圍羅

劍槩險道斷溝坑

賊堅守石峯堡我兵四面列圍絕其汲道乘機攻剿賊巢遂破

羣慝應簫勺

神姦首滿盈臍膏明似燭項骨脆於膏

項骨脆於春蔓

困獸羣

舊見盧仝詩

籠檻遊魂戀釜鑪肘跼紛磔裂骸骼亂枝撐烈烈摧枯枿炎

燎聚竄燬燼俘婦女婉婉曳孩嬰跼伏難藏迹推求莫遁情自

知應斧鑕初不假筭榜縣中從逆匪有自底店竄回各村者獲之報一訊而服革面從文

豹遷喬慕谷鶯爾曹生有路近奉 上諭良善同民仍令安業毋今代獄惟平

許棟累有向從新教者許其改歸舊教寬大羣方悅明良百度貞直教空貫索奚

止掃機槍歸馬秦川迴回軍華嶽晴豹韜宣偉畧龍額錫殊榮

福制軍特晉侯爵銘擬燕然勒歌同漢樂廣歡聲溢鄜市和氣叶韶醵

溫語傳 丹展 恩綸出玉京蠲租憐瘠壤給復愆疲氓資

溥金兼粟仁先獨與惻遺墟修板屋殘甃掩荒塋奉 恩詔凡被賊焚掠傷

害村莊均與賑卹恩極優渥痛定微軀在腸迴百感繁失時幾拾瘡慙熱憤

吹簫彈指龍華劫當場傀儡棚青山招遠夢白水憶前盟
關隴皇威暢邊陲戰氣清江鄉三畝宅何日好歸耕

過狄道超然臺弔忠愍公三十韻

老屋談經地窮邊謫宦人風靈千古淚桃李一臺春直道原難

屈名儒信有真精思通律呂

公少精律呂之學

碩學蘊經綸正色寒姦

魄危言犯逆鱗封章泣涕上邊事慨慷陳賈誼原才子朱雲信
小臣始聞收杜衆旋見逐桂駟官只紆黃綬心常戀紫宸殷勤
羅髭士惻歎撫疲民俗化羌兒悍名儕漢吏循遺編搜竹素荒
徑翦荆榛絕微文壇起卑曹宦囊貪金闕典釵釧槐市盛冠巾
曰父名何愧兼師誼更親三年終被召百里競攀輪互市言方

驗還朝氣益振鳳鳴愁落漠蛇膽笑逡巡西苑尊仙醺東樓竊
國鈞彼奸逾杞檣公節自松筠白簡飛霜雪青鐙泣鬼神法先
誅內賊力欲肆宮隣對簿詞猶壯捐軀志未伸丹心懸皦日浩
氣貫秋旻此地曾遺愛邦人仰後塵門牆恢故址俎豆薦明禋
爵最前僚案鄒張舊主賓儀型瞻泰華氣象感星辰嶽麓兩祠
廟洮溪發藻蘋高山標峻節終古共嶙峋

哥舒翰紀功碑

唐家列鎮綏邊境隴右雄藩是誰領安西健將有哥舒勇冠一
軍無與並突陣長矛半段鉞搏敵蠻奴左車猛防秋萬里平沙
迴北斗七星橫夜永眾竊無譁刁斗傳高風不動旌旗整帳外

雷霆軍令嚴腰閒霜雪刀光冷直將洮水劃天塹不許邊人浪
馳騁四塞山河倚屏障萬家耕鑿安間井大書深刻頌功績要
閱千秋並鐘鼎幾經風雨半剝蝕尙有字畫留鋒穎奈何晚節
竟披猖坐使雄心化頑獷嚴關覆師縱云逼穹廬屈膝緣誰肯
負恩無乃心全死假息不知兵在頸立身一敗百無取縱有功
名如畫餅此碑合遭劫火焚孰令鬼幾倚高嶺鬼神呵護不無
意留示後人心自警

寓感四首

冰簟銀牀別有情今年秋比向來清瑤臺往事千回憶錦瑟華
年一擲輕薄霧漸收山匝匝長河無影月空明誰翻天海風濤

曲不管離人感慨生

惆悵驚飄鳳泊身
水天閒話夙生因
如何一夜迷離夢
不見三山縹緲人

唐句

紅豆拋殘歌宛轉
綵毫題罷墨鮮新
雲階月地曾

經到爲問而今隔幾塵

遙夜將闌月乍低
一天涼露小樓西
雲連銀浦槎難到
風引蓬山路轉迷
寂寞好音虛錦鯉
縹緲舊恨觸靈犀
十番牋紙桃花色
漸句吟成著意題

玉宇瓊樓詖蕩開
乘風欲去久遲徊
騷人有託遺蘭佩
伏女無言怨鳩媒
詎爲養生留小病
可堪多恨減清才
更長更短難成寐
坐燼銀荷一寸灰

秦嘉村

去去妾歸甯行行君上計客路自逶遲空閨獨愁思淥水漾雙
魚傳來尺素書清新詩總好珍重意何如名香千里送七寶瑤
釵重明鏡鑒華容文琴寄清弄琴德靜悄悄君心似妾心只彈
合歡曲不譜白頭吟東風吹碧草屈指歸期早錦水兩鴛鴦雙
飛復雙老卓女拂金徽蘇娘託錦機才華何足貴德素似君稀
孤村清渭曲何處尋芳躅遙山薄鬢青垂柳修眉綠渭水去悠
悠遙空月一鉤停驂爲惆悵我亦有離愁

憶舊陳情五十韻呈王述菴

憶昔遊京輦青袍拜月題蘭成初射策德祖尙垂顰氣象

高岱文章仰壁奎雅懷開朗月豪氣吐長霓入座皆瓊蕊升閑

盡駃騠登龍爭御李題鳳詎嘲嵇

謂同門叔華
嵇仲則諸君

諺採蓬櫟質

客參桃李蹊浥腸吞寶篆刮目得金匱賦手驚鸚鵡詞鋒淬鶚
鷂橫經問萊耶就席對楂梨升斗原爲養聲名敢厭低金臺纔
奉檄燕市遂歌驪別淚綠纓落新篇滿篋攜師恩逾鄭重吾道
在提撕客路關河迴勞人面目黧風塵從漫浪朱墨學勾稽虎
尾危曾躡焦原險屢躋一官來絕徼六載此卑栖旌節移三輔
絲綸下九閨高秋雕鶚翮遠道驢驕蹄關吏迎輶傳邊氓識
組圭祥刑平庶讞惠政慰羣黎畫戟黃圖右烏臺紫嶽西稍欣
函丈近仍恨笑言睽昨歲遭兵燹儒生習鼓鼙狂塵奔猘猱駢

浪沸鯨鯢誓死孤城在輕生短劍提飛灰黯樓堞猛火照孤鉀
浹日重圍解星郵尺素齋一緘詞愴惻七字韻清淒惡鳥巢旋
墜妖狐穴蠶翠感深神恟恍痛定涕流漸差喜身無恙休嗟命
不齊宋人空刻楮楚客尙吹齋蓬島風頻引銀潢路轉迷往來
旋磨螳進退觸藩抵已分安蓬藁何心慕錦綈公言真可憶鄉
思浩無倪蓉渚尋漁舫龍峯灌藥畦菰蒲期射鴨柑酒好聽鷗
試問飄零者何如歸去兮故山聞怨鶴舊事觸靈犀柳當簷
脫蛩蜚繞砌啼思枯抽禿管興索拊空甌落日回陂雁寒烟亂
嶺鷗鎗光秋淡淡林響晚悽悽夢去星沈水書來雲憶泥無緣
奉譚譙幾度隔暄萋巽下遯三歎車前試一嘶陸倕知己賦重

疊寫香緹

送顧元樓改官歸里

金城九月木葉黃西風蕭瑟天
雨霜旗亭黃酒不成醉抗手送
君還故鄉故鄉烟水縈心山浩蕩川原馬蹄速蛩蛭從今悵別
離雲龍無分相追逐憶昨逢君襄武城高歌痛飲兩心傾風塵
蹤迹同邊徼香火因緣記夙生黃槐川北當亭口各有山城大
如斗村落凋殘劫火餘人烟慘澹兵塵後賦罷春陵意愴悽相
看無策慰窮黎花門纔覺梟音變菱舍猶聞雁戶啼往來亭堠
疲奔命體弱如君更多病元亮由來妙宦情季鷹那肯遽歸興
會待秋風整馬鞭乞身果得上官憐未工朱墨輸蘇綽且理琴

書作鄭虔巾屨蕭然寡塵慮官冷偏宜領佳趣白帖諸生問字
時青山片席談經處宦海抽帆夢亦安草堂莫歎客氈寒文章
奇麗芙蓉韻詩句風流苜蓿盤嗟余七載身飄泊回首家山淚
雙落平子空愁隴坂長蘭成祇憶江南樂冰雪長途耐苦辛到
時應及故園春倘逢南雁西飛日莫忘天涯淪落人

鄭州道中

韶光九十春難駐行子無端逐春去空向郵亭綰玉鞭柳條不
繫遊驄住花枝搖紅出短牆煙絲蕩漾春風香啼鶯乳燕莫相
惱客路風煙易斷腸客心不耐花時節況是花時偏惜別剩有
吳山入夢青那堪秦樹連愁碧連朝新雨細如塵溱洧交流蕩

遠春可惜清明兼上巳閒情都付采蘭人

河陽縣

洛南壩河北岸舊是潘郎種花縣少年專城任六雄薦贖乃出
魯武公人言桃李花如纈我識河陽總荊棘官今種怨不種恩
孫令周旋記疇昔一生乾沒無已時禍機猝發那得知朝豪家
暮公府高情自愧閒居賦世閒富貴盡空花可惜種花人不悟

北邙山

北邙山前小家住今人耕耘昔人墓山頭日日驅柳車新鬼復
奪故鬼居煙林蒙密變風景瑟瑟回飈捲衣冷草碧猶疑古血
痕山青卻想春魂影禁人樵採幾荒塋幾處行人下馬陵須信

黃墟三尺土從來埋骨不埋名不然寂寞歸邱隴七貴三公何足重斷碣空鐙蚪蚪文劫灰那辨麒麟塚北邙山勢高嵯峨當年歸骨公卿多只今同盡逐螻螳詎有姓氏留山阿山空日落無人語客子搖鞭背山去一逕紅飄鬼客花怪禽啼上山頭樹

金谷園

春酒美園花開二十四友連鑣來朝歌停夜絃續主人留賓宴金谷花枝滿堂羅綺陳勸酒便殺彈箏人驕奢意氣干青雲一日謂足當千春甯知轉眼繁華改無萬家財散奴輩陌上千絲錦幃收樓頭一斛明珠碎我來駐馬洛城東惆悵無人識舊蹤剩有東風芳草外衰桃一樹委愁紅

熊耳山

山形如熊蹲雙耳破空插崢嶸信殊狀詭異非恒法洞黑衆竄
深層青兩崖夾嶄然聳奇秀不受蒿華挾驅車未敢上輪幅恐
摧壓徒行升層巔腰腳苦疲茶一重復一拖出峽還入峽古樹
鬼攪人巨石虎離桺俯瞰洛水源涓涓細流狹出山才一掬遶
澗忽百匝炎劉龍戰地高積宜陽甲誰驅百鬼鏊破此千韞韞
時平弗置防投足心尙怯轉鬪想當年地險安可狎流雲暗亭
午飛雨來一霎仄徑泥漸深卻行力已乏漫作勞者歌山空響
相答

函谷關

函關何雄雄蛇勢走秦中黃河百折繞關下關路西上河流東
中原到此疑無地人馬延緣入空際雙峽天爭一綫青關頭盡
日流雲氣隘口置一卒萬夫詎能來九泥封不住畢竟非雄才
猶龍不見周柱史落日餘霞半空紫車中讀罷五千言篋底更
繙關尹子

灞橋曲

銷魂橋畔暮雲凝
寥落關樓見戍鈴
俠少不知離別苦
鸞鵲馬下崢嶸

華陰廟望嶽

夙慕尙子平
名山寄真賞
中年婚嫁畢
挈侶遂長往
更羨宗少

文襟情極蕭爽神遊五岳閒撫琴衆山響羌余山水癖少小誇
個儼所恨窘方隅兼之墮塵埃作吏西入關差喜聞見廣關中
羣山囿太華獨雄長排空一石起傑特非鹵莽金精自凝結元
氣孰陶旌三峯類削成直上無寸枉偉哉造化工奇觀世無兩
惜無雙飛翼安得九節杖迺知濟勝具天賦誰能强金天有清
廟結構極宏敞前年 詔修葺 賜金出官帑三成構臺殿十
萬散緡緡精鏤蹙階阼文石雕礎礫洞戶綴金漚高欄羃珠網
莊嚴秉珪璋肅穆垂帷幌甲夜羣真朝申禋百靈饗陰廊夾砧
斧峻壁圖魍魎刑神司震撫氛祲歸滌盪松栝柏古秦漢商
周上風霜超浩劫烟露資幽養昂藏萬夫特森陳五兵仗支祈

形譎詭防風骨骯髒利爪紛攫掣拗肉立崛強礪角困猶鬪摔
頭怒而搶揖讓賓盈庭抱負兒在襁駭目洵可吁擗舌不容獎
傑閣凌重霄蒼翠塞簷閭地勢據嶢崢天容肅清朗拓拓層雲
開輝輝朝日景眼力窮微茫心神交炫晃嶽靈如慰我軒轅呈
萬象危聳法吏冠高擎巨靈掌摩收倚長劒玉女披華鬘峩峩
青菡萏拔地五千丈蓮房嵌明星荷蓋承清沆中空如藕竅呀
開跌蕩蕩飛仙所棲息巖竇列銀榜當關踞暗虎遮道橫修蟒
絕境夢中遊真人天際想雲松知此意笙鶴招吾黨家世本西
秦名德溯嶠巖華井吾故山神舉吾舊壤淵明里是栗摩詰川
名輒如何買山志到此轉迷罔徘徊未忍去卻立神懍懍慷慨

自盟心齊邀重叩願誅茅數椽更辨屐幾編投老好餐霞忍
飢甘拾橡塵纓苦束縛生事方勞攘茲懷恐難遂高吟徒拔癢
登車紀奇勝什一存仿佛去矣意未申懷哉首空仰

曉行

荒雞三號人語喧起策瘦馬持吟鞭微霜吹面冷如雨殘月照
影青於烟泠泠細瀑落寒澗擾擾陰火行秋田路危不敢續殘
夢遙望海色心茫然

晚行

晚風颯颯吹衣涼前村烟樹猶微茫夕陽已沒剩紅意野水忽
明搖白光僕夫謾嗟行役苦客子亦厭關山長據鞍回首忽自

笑百年身世緣誰忙

欽叔三弟二十生朝詩以勉之

我誦山臺禮二十曰弱冠人生值茲辰譬如月初旦鼎鼎年華
過疑疑頭角換培風看鷺翮雲試駟汗開觴壽予季黎聚維
几案堂前拜家慶其博慈顏粲我年二十時兀兀事毫翰一出
違初心風塵逐瀾漫仲兄二十餘校書入芸館索米忍長飢健
足轉羈絆兩昆少孤貧況復困憂患惟有文字緣未使一日斷
咎無桂檣千學愧袁豹半歌吟時自喜嘲誚非所憚家門本儒
素身手苦疲懷旣未習蹶張又不工權算舍此無可爲恐負七
尺幹爾才非朽鈍爾氣亦情悍惟患學不專多好乃殺亂如駕

勿要馳如耕毋越畔攻瑕玉受礪淬錫金出鍛日月如跳丸入
手難把玩精勤未爲晚蹉跎真可惋但使一經傳何必六藝貴
努力事丹鉛相期在霄漢

送三妹出關兼寄嵇容間妹婿四律

嵇容圖以參
軍任昌吉尉

離筵相對話酸淒稚齒鳴鑾惜解搗鸞鏡將圓關月迴雁書難
寄塞雲低長征行度交河北別夢應馳大夏西萬里從夫饒悵
望誰言嫁娶不須啼

慈幃珍重勸加餐老眼臨風淚不乾已去莫愁征路遠此行須
放悶懷寬人稀馬邑悲荒俗地逼龍堆耐苦寒三載歸期頻屆
指好教驛使報平安

時調口各自三年邊
俸屆滿例得遷擢

雙真龍鍾涕淚痕天涯去住總銷魂全家已是同浮梗遠別況
兼非故園落寞襟懷殊綺歲團樂笑語憶黃昏阿兄自信無侯
骨翻送班昭出玉門

寄聲蠻府舊參軍髯也才華本軼羣幕府名高書上考

時隨都統幕府

聖朝恩重念前勛

容圖係相國文敏公孫

鳳栖枳棘甯終屈鶴唳烟霄

自遠聞莫以卑官銷壯志祖鞭陶鑒我期君

初夏雨後看芍藥

一雨留春意凌晨花氣寒佳人洗妝罷幽客捲簾看粉薄臨瑤
鏡珠輕墮翠盤飛來雙乳燕偷眼傍闌干

荔裳將赴京師長宵話舊申且不寐成一千三百五十字

情難自己辭或傷繁聊以抒離緒云爾

強歌聲無歡不飲心已醉明發當整裝今夕別猶未人生墮世
網飄忽百年內如何屢爲別別輒彌年歲疇昔被飢驅今則簡
書畏孤雲失棲託行客無根蒂幢幢翦殘燭悵悵念陳事日感
交縱橫欲語淚難制記昔我與君兩小同嬉戲髫齡解屬文聰
明絕相類鉛槧索古歡齋鹽足佳味此景那可常荏苒流光異
命途困連蹇生事悲倖僚故家忽中落靈根痛先萎寂寞掩柴
荆落索供粗糲墮溝駟卒驅負薪葛衣曳堂堂南昌公雲楣夫子水
鏡澄纖翳鑒君英倚筴選作高門壻君京雒遊場君習文藝
君年甫十六倉皇作齊贅百結遊子衣千點衰親淚送君蓉湖

濱江天慘陰瞋丁甯未及已大觴肯幾逝悲來祇吞聲迸淚墮
腸胃三載客京華思家勞夢寐他鄉親舊少匹士聲華闕疎賤
難自通骨體殊不媚畫省盛冠簪朱門列勲衛獻策屢不收懷
刺將誰詣揭來返故居風雪衣裘敝用慰慈母心晨昏暨同侍
我充鄉貢郎書判稱拔萃會當試儀部撤幕且隨例君亦歡迎
婦遠鼓西江柁家貧賴師友惻款敦高誼書薦彌衡才婚資阮
修費獻歲共辭家江干再分袂出山真草草我擢明經第聲名
不厭低鍾釜差堪冀折腰愧陶潛捧檄儕毛義請急歸里門共
舉先人樽窀穸久未安枌桂今當薤與君同負土慟哭蒼山際
苦辛四尺封淒涼一棺瘞明年君送我西睡去爲吏後歲我聞

君獻賦入中祕昔爲涸轍鮒今如籜雲驥庶幾共申眉安得長
垂翅甯知宦海波十丈倏騰沸天霜下嚴威摧廓除積弊焦原
顛莫救覆轍危相繼量從金布罰愷免檄纒係豈繁見幾哲或
賴先澤庇木雁竟得全塵魚敢言瘁君時直芸閣蕭瑟枕書睡
啼飢甑絕炊乞米臺無餽五鬼不易祛二豎旋爲祟馬卿旣消
渴杜陵復病肺輾轉牀褥間呻吟屢垂斃相思兩地懸百苦一
身試匝月尺書來開緘輒揮涕窮微值災年殺氣騰平地鯨鯢
掉尾鬬猘猢磨牙噬駭機雖竊發危城幸先備儒生習鼓鼙守
卒持餓殍百道紛來攻孤墉屹然在全家脫虎口痛定膽猶悸
以茲列薦牘轉得拜 丹陛盡室已戒途及期當見替關山偏

阻關時命多顛躓郵程怪我遲衣食爲君累門戶苦支持典寶
到微細隆冬入國門握手兩噓歔風寒短褐單烟斷空厨閉艱
難且莫訴承明欣謁

帝微生蒙拔擢果得方州界喜已換頭銜仍許還邊裔萬端迫
歲暮作計急思避求人我卑詞索逋客怒胷勸君且薄遊長途
好聯轡暫得遠艱煩差比息黥劓惘惘出春明改歲同卽次名
都何殷賑盤盤大梁魏兔苑想風流繁臺憶歌吹中丞檠戟開
弁山賓客富才技說詩毛鄭妙作賦鄒枚麗舊侶再論心新交
夫子同把臂置酒慰窮途徵歌作高會衣爲顧郎解粟向謝公貰提
挈荷師恩感激均吾輩惆悵別龍門西行指秦塞小住話情親

河陽見弱妹其昇板輿行川原莽迢遰熊耳車輪摧函關土囊
隘煙霞華掌秀風雨殺陵晦洛浦咏翠旄溫泉弔鳴佩濡墨灑
蒼崖囊筆題蕭寺文憑河嶽靈詩挾風雲慨此行良不惡昔願
今已遂四月到金城風塵暫休憇尚書開幕府

福嘉勇公時開府陝甘

愛

士先羅致古來薇省郎例得典書記君留沼遰傍我平園匏繫
相遠咫尺閒會面仍不易羌城昨歲過靈武今年至揚帆度長
河漸車涉清渭兩渡抵冰衙三月同長被歡笑奉慈幃嬉游偕
季弟

謂欽叔

燒蘭倒深杯擘錦鬪清製兒女共牽衣平陽頗明慧

教吟柳絮詩看寫璫芽字屈指廿年中此樂今稱最朝來顧我
語顏色倏顚顚頽頽首豈不歡奈非長久計休沐別金臺明年此

留滯招徠良友書敦迫羣公意微名苦愛惜細累難忍置行將
別兄去好語還相慰高堂幸彊飯筋力未云憊此閒魚稻鄉粗
足供甘脆會合自有期音書望頻寄我知難復留爲君飭車騎
邊方十月寒霜風激淒厲獨行多恐怖長征慎勞勩攬衣起視
夜磊落明星穢疎鐘遠寺急缺月疎林墜巡檐還共語壯懷破
愁慨男兒七尺軀豈得長無謂局促祇自慙浮沈竟誰爲操持
仗忠信擺脫須才氣卓犖樹修名從容遂初志蓉清搖漣漪龍
峯滴蒼翠江國足魚鰕家園有松桂青山堅夙約白水申明誓
瀟灑好襟懷清白舊家世努力念前修苦辭永爲勵

芙蓉山館詩鈔卷四

原
受業陸芝田校訂

芙蓉山館詩鈔卷五

金匱楊芳燦蓉裳著

徼外

徼外風塵苦未休
天涯詞賦祇半愁
自憐樂浪長爲吏
卻憶清河更遠遊
沙草綠隨春出塞
林花紅近客登樓
牙旗玉帳無消息
日暮聽笳淚欲流

二月十二日夜旅館偶題

邊城寒色晚蕭條
春半河冰尙未銷
愁思不堪孤月夜
佳時空度百花朝
墨昏塵壁前題在
燭燼風簾去夢遙
苦憶江鄉好煙景
綺筵紅裏木蘭橈

紅柳四首

柳色偏嬌紫塞春
推烟睡月送行人
傷心定染壺中淚
拂面空隨陌上塵
冶葉恰宜縈茜裏
柔條可解綰班輪
小蠻巧按紅兒譜
併覺今晨舞態新

惆悵江鄉別路遙
無緣移傍赤欄橋
春風百結垂珊網
煥日三眠擁絳綃
底事施朱工作態
卻看成碧轉無憀
抵他南國相思樹
一種纏綿恨未銷

纖纖小小愛穠華
掠削新妝欲妬花
漢殿漫懸連愛縷
楚宮曾繫定情紗
頰痕欲暈迎朝日
眉黛纔勻映曉霞
腸斷紫騮空蹕
躡朱樓十二是誰家

落絮應同嘯雪飛燕支山下見依稀啼殘怨血巴鴈去舞倦香
襟越燕歸艷影易迷三里霧舊絲不上九張機謾誇汁染宮袍
色如此風姿合賜緋

望遠曲

彈指韶光過百五望遠凝情渺何許繁花紅颭出牆枝時有閒
禽踏香語欲晴不晴春晝長遊絲落絮空悠揚水精枕簟接幽
夢十二峯頭雲影涼睡餘支枕雙眉蹙香篆縈愁轉欄山庭院
無人鎖寂寥春風吹雨垣衣綠

九日橫城登高放歌

賀蘭山勢何崑崙一碧欲與天爭高黃流曲折繞城過迴風滔

日翻驚濤飛樓獨立縱遠目雲沙草樹窮纖毫朔方形勝在指
顧山爲壁壘河爲壕巖疆四塞信天險青史百戰誰人豪赫連
阻兵極剽悍轟霄擁衆尤雄驚防秋五路盛磨蓋屯邊萬帳嚴
弓刀銀鉞鐵牡那足恃銳師突騎紛相鑒我朝威德服荒徼
駕馭不待鞭箠操日棲月浴盡入貢豈徒遠致雉與獒狼居廐
脫二萬里後先獻壽同迴鑣錦車都護自持節旃裘隊長咸
垂纓奇鷹颯爽刷毛羽明駝碑兀連隹尻能通華語頗都雅其
率甲令無譁巖邊人安堵長兒女積鹵漸已堪耕藉長城近祇
在庭戶底用蒸土謫堅牢

時護送土爾扈特各部
落入觀同策至此

昇平服官得

休暇俯仰自慶平生遭惜無健兒好身手短裘快馬馳平皋弓

絃拓作霹靂響黃鑾駭竄元熊噪更憐俊侶渺天末佳辰不得
借盤敖歌呼慷慨倩誰和停雲黯黯增煩惱徘徊不覺日云暮
鴛鴦哀噉求其曹壯心對景忽飛動短髮垂領偏蕭騷涼颼莫
漫吹破帽健筆何處題花餤縱無監州亦無蠻孤負此手能持
螯揮鞭徑覓酒壚去且買一斗紅葡萄

吳松厓先生見示隨園詩話因憶舊遊成轉韻六十四句
奉懷簡齋師並寄松厓

松花庵中老尊宿示我隨園書一軸貝葉瀾翻千佛經天花飛
舞羣真錄收拾珠璣筆不停孤寒攀附眼常青名流譚讌耽風
月才子篇章主性靈赫蹠小紙蠶眠字墨墨元言足佳致花前

燭底共論詩記起隨園舊時事隨園亭榭我曾遊門繞崇岡枕

碧流散髻斜簪人澹蕩茂林修竹境深幽龍門聲價高無量才

筆縱橫不相讓入座齊傾北海樽橫經並侍扶風帳曲閣玲瓏

洞戶連幰山紅雪蔚藍天

俱閩中小書室以紅藍色玻璃爲窗故名

清宵夢蝶聯藜

榻煥日聽鶯設綺筵東治城邊爭笛浦雲首高歌鎮西舞對客

能繙白紵詞當場競按紅牙譜秋月春花樂未央嗟余萬里走

伊涼離家始覺江南好捧檄先愁隴坂長十年一郭乘邊微身

世茫茫事難料嬰城向棚陷重圍卻敵劉琨仗清嘯相思惆悵

只哭吟故國迢遙信使沈餽底空留懷舊賦天涯深負愛才心

側聞杖履烟霞外文史依然供賞愛天遣人間作歲星靈光無

恙歸然在一別名園幾度春卷中憐我困風塵

詩話云蓉裳梅岑皆翰林才而

困於風塵俗吏亦奇陳梅岑名熙爲鳩江司馬

鶯花有主陪良會猿鶴無言怨故人他

年儻遂抽簪計煙月秦淮理歸棹衣鉢重來認本師林園正好
尋初地朔塞樓遲宦興闌夢中常看六朝山先生老去頭如雪
弟子年來鬢亦斑松厓詩老才名重風雨蘭山一樽共爲言相
慕祇聞聲不覺傾襟已通夢

松花庵詩爲人攜至隨園已入詩話

文采風流此一

時名山著作繫人思公真一代騷壇主我愧千秋國士知

秋雪篇

壬子中秋重陽日俱大雪念邊候之早寒感征人之遠
別因成此什以寄荔裳

賀蘭山接榆關道。颯颯邊風吹白草。四野同雲入望遙。三秋飛雪催寒早。同雲飛雪正紛紛。掩映中秋孤月輪。桂殿修成開玉蕊。霓裳舞罷散珠塵。秋宵官閣圓鑪灺。此景鄉園幾曾見。陡覺風威欲折綿。卻看夜色如鋪練。永夜低徊憶舊遊。天涯飄泊迴生愁。誰家月照芙蓉幌。何處香溫翡翠樓。彈指流光又重九。準擬登臨招勝友。俄驚浮霰度孀櫓。旋作飄飄入牖牖。浮霰飄飄拂面來。那宜攜酒上高臺。囊萸祇共離心繫。叢菊偏隨淚眼開。抱影行吟意蕭索。憑欄更訝衣裘薄。孤影橫空白雁迷。寒聲捲地黃榆落。黃榆白雁萬重山。望望征人去未還。仲宣謾說從軍樂。明遠應知行路難。蒼茫絕域寒雲重。北風捲雪牙旗凍。草檄

愁看硯水凝翻營怕聽笳聲動搖落年華已自悲況看玉樹憶
連枝試聆秋雪邊城曲莫道弟寒兄不知

荅方葆巖先生見懷詩三首

龍豹奮奇姿鸞鷟耀高羽哲人宣令猷聲華邁前古崇基紹堂
構弱冠登朝亡囊筆事戎軒運籌贊樞府橫海揚鋒旗乘邊振
柁鼓談笑吐雄辭指揮萬貔虎九重賜顏色舄奕膺珪組君
真經世才終買安足數欽遲歷年載蹤迹雲泥阻側聞輶傳來
前驅欣負弩長鳴向知己感激出心腑捧袂未得歡軍書正旁
午

送君青海頭嚴冬朔風寒積雪迷廣漠堅冰塞重山有弟亦從

軍念其身手屢臨岐久屏營盈襟淚沈瀾感君重意氣提攜越
險艱穹廬共野宿服匿同晨餐別來曾幾時弦望如循環長懷
遠征客沈憂損心顏明駝傳捷書軍威聳羣頑象瑜貢天闕
鏡吹入漢關文星何熾熾光明上將壇勞來歌杖杜振旅期君
還

籌謀稍閒暇清襟富文辭烟墨縱橫飛想見落筆時雲屋信天
構匠者工何施迢迢軍幕中弱弟相迫隨倡酬破孤悶慰喻忘
艱危譚深頻念我遠寄五字詩古道期共敦薄技謬見推自憐
墮風塵疵賤人所嗤君情一何篤萬里勞相思臨風再三讀悲
喜難自持丹青久則渝金石終不移寄言報嘉貺心惟良知

謝句

偶唱

偶唱邊城曲長吟楚客詞
鄉情隨夢遠詩格似官卑
舊事無珠記閒愁有鏡知
倚樓頻送目日暮去雲遲

新秋夜坐

開牖滅華燭夜涼生碧蘿
微雲無定影新月不成波
楚調倚瑤瑟湘醪浮翠螺
階菴伴吟客秋思竟誰多

蘭倉道中

野寺鐘聲歇干峯暝色微
水光搖地鏡霞彩卷天衣
栖鳥各爭樹居人半掩扉
勞生空著論漂泊寸心違

秋漲

積雨添新漲陂塘一望賒魚多爭置
腰鳧喜盡浮家碧色蕩漁舍白波浮
釣查行吟無限意水國憶蒹葭

春曉

小閣明鐙爐高牆曙色分抱香衣卷
霧選夢枕垂雲細雨催花信輕冰護
水紋春寒猶未減卯酒愛微醺

海棠二十韻

百媚高城啟玉扇雲舒霞卷見娉婷
天斜窺影臨深沼淺淡凝妝傍小亭
異種偶移來朔塞仙根應植自東溟
茜紗繫臂承新寵珠璣圍腰恰妙齡
已奪梨桃無冶色別輸荃蕙擅幽馨
珊袁

壓夢堆紅浪瑤瑤扶頭帶綠醺薄暈臉潮醒未解輕籠眼纔睡
初醒高燒葉底千條燭密綴花梢九子鈴穠蕊開時含曉露繁
枝缺處逗春星雅宜倩女簪雲髮好伴文禽刷彩翎多恐斷魂
迷蛺蝶偶來偷眼任蜻蜒五家裝束誇秦號一種丰姿妬尹邢
不羨石家金作屋底須蜀國錦爲屏歌疑絳樹臨風轉曲愛霓
裳入月聽乍覩疊華饒悵望卻憐艷雪易漂零攜將麗質藏芸
閣注得清泉漾玉餅愁淚一彈羅裏黹名香千喚綵灰靈潛英
石遠姍姍見縹粉壺空點點熒殘月幽輝流枕簟明鐙橫影上
牕櫺遺忘爲補騷人過綺語瀾翻筆不停

初夏郊園讌集漫成十律

邊城花事晚新夏是穠春勝地移樽近高軒發興新尋山蠟杭
展漉酒墊紗巾傲吏耽幽賞園官莫厭頻

籬護魚塍竹欄圍芍藥花額牆縈石髮曲澗漱雲牙置酒文園

會懸車靖節家

園主人曾爲蜀中
嘉定守謝病旋里

莫嫌近城市卽此足烟霞

久覺塵勞倦閒尋引興長兒童笑山簡吏卒恕嵇康水靜鷗情
逸松高鶴夢涼地偏人事少許我暫疎狂

傍屋藤爲架沿階溜決渠花飛看掠燕萍破見跳魚意愜微吟
後神清小病餘還思長夏日來此度琴書

結構無多地偷閒適性靈拂塵安筆格移石傍琴亭掬水煩襟
淨看山倦眼醒濠梁有真意莊惠已忘形

俊侶相於好風懷各不羣背牖閒讀畫促坐細論文絮罽川簾
雪苔鋪石徑雲揭來貪嘯傲不覺又斜曛

驚舌調歌管花枝簇酒籌開軒延晚籟移席近明流嫩暑侵槐
夏微涼助麥秋平臺欣騁望萬綠遍西疇

百斛酒如泉頻催藥玉船狂來誇擊鉢興到共題牋菜把供厨
羹魚羹入饌鮮家山櫻筍候雅會記當年

卻話江南樂何時補墜歡雲波新夢隔猿鶴舊盟寒愧乏青精
飯難尋綠簪冠買山資未得惆悵獨憑闌

候騎催歸急盤桓苦未能垂蘿上涼月深樹出疎鐙烟澹晴嵐
媚天高夜色澄題詩留薜壁流覽記吾曾

重集郊園

地勝經過數官閒
讌賞便美花紅映水高柳碧含烟
鷺戀付三宿棲遲又一年
真成疎懶性愧得更民憐

閏夏餘春事韶光綬綬催
滿園桑椹熟一徑棗花開
掃石安茶臼分泉滌酒杯
羊何多逸興長日共裴徊

梅風吹白袷麥雨潤青郊
密樹烏將子空梁燕補巢
絲桐和水樂蔬筍佐山庖
拓落年來慣無煩解客嘲

興極生離恨歡餘動酒悲
煙花非故國容髮異當時
顛倒還家

夢悽涼憶弟詩天涯春草色不似謝家池

時二弟從征南藏三弟應試入都

野渡空明水邊牆紫翠山鐘聲來竹院
鐙影出柴關薄醉臨風

醒高吟待月還暫時兼吏隱偃仰蟻陂閒

寄雨弟

昔采籬邊菊官齋奉版輿今看雲外雁遠道悵離居節物思親
淚關山寄弟書臨風搔短髮旅鬢日蕭疎

葡萄

種自來戎落根宜植近郊預期秋得實先數夏含苞翳日疑張
繖迎涼勝縛茅翠蕤森屋角清蔭散堂坳椽杙雙松立編籬六
枳交庭虛憑引蔓牆矮漸抽梢穴地蟠春蚓羣雲起凍蛟千絲
珊網結萬顆寶珠拋的的繁星概熒熒碧眼顧玉璫穿雜佩瓊
珞綴華鬢佳夢捫青乳奇徵驗紫胞水精明奪月瓊液冷凝泡

莫放飛鷗竊須防啁雀捎堆盤光剖蚌裏帕淚藏鮫摘去看盈
把量來恰滿符荔奴名可並簡子狀難潛豈意三霄露翻成一
斛醪涼州真誤汝百果合相嘲

秋海棠四律和張雨巖

宛轉腰支掌上身水天別館証前因開逢碎雨零烟候生是長
門永巷人粉界啼妝綠底恨黛凝愁思爲誰顰可知世有神仙
侶睡足華清占好春

居然香色一身兼無限秋情爲爾添驚翠睂長窺粉鏡塗黃額
小映晶簾人前相見羞題扇山下重逢怨織縑拚把相思換憔悴
爭禁玉骨瘦纖纖

幾枝綽約背斜曛
艷到秋光已十分
紺裏陞華嬌含德
瑤壺淚點泣靈芸
每愁弱質難勝露
多恐離魂歎化雲
信是幽姿愛高潔
綠茵一片護苔紋

薄雲零亂月侵廊
寂寂牆陰抱暗香
未許蜨魂窺豔冶
儘留蛩語伴淒涼
喚醒石上三生夢
斷盡風前九轉腸
擬向冰綃標逸格
幾回惓悵檢青箱

甯夏采風詩

有序

余牧靈武五年矣
聽斷餘閒宣上德
意而前其疾苦
懲其末流亦吏職
宜爾也靈武隸甯
夏于以徵風土之
會因作詩十章聊
以備輶軒之采云爾

沙灘田

我來更吏考治賦無寸長常恐民力絀勸課違其方弭節原上
邇父老相迎將舉策謂父老念爾愚不明不見古王制三耕備
一荒李悝漢汜勝農政斯精詳節宣事在人自腹爾自量比歲
值豐稔猶然無蓋藏而反累守卒不得充官倉父老拜且語語
多情慨慷自言農家子鋤耨日日忙此地多硝鹼春潮凝若霜
樹根不出土嘉穀無由芳又有河壩地風沙卷雷礪往往萬金
產廢爲狐鹿塲黃泥汎屢徙塆隴如排牆君看數種田猶科覓
在糧其間可稼處馬體中毫芒孤莖出蕪穢赤立凍不僵沙鹼
之所赦隄堰之所鄣耘芋之所壅豚酒之所釀上熟畝盈石中

熟六斗強最下升與豆子本安得償腰鑷事未已吏牒紛在堂
松花壓朱紐標識森成行色色著我名云我有田莊無田自備
力有田苦膏肓愧荷使君語生事終茫茫余聞搔首歎茲實古
塞疆募收此來旺金饑木不穰百卉變衰落五種無精良安忍
更鞭箠乘危扼其吭喟彼好事者乃云魚米鄉斯言孰傳播重
爲吾民傷

糧草稅

邊徼地何瘠罷氓心所矜肅肅集中澤嗷嗷待西成歲收無常
數賦入有定名夏麥秋穀粟二豆莞與青四色分兩稅畝入斗
二升析爲子母耗芻束相因乘其餘減則地五稔裁一登差徭

復叢集與田爲重輕計彼平歲獲奚止大半征況又科所無疲
喘何能勝繭絲更有職按簿事敲榜米鹽綜靡密瓜蔓紛鉤縈
不悉入者寡惡知取者盈側聞前明日置屯此邊庭沿河九衛
所一一習戰耕軍三屯戶七二丁資一兵取足時芻糧歲收算
其贏地利旣殫盡百役滋繁興軍操著空籍賦額懸逃丁撒派
事紛拏包賠議沸騰卓哉朱笈疏一字一撫膺此身非木石安
得頑無情我朝 覃天澤深仁被邊氓蠲賑若山積休養致太
平小臣來吏此纔閱五歲星前春豁逋欠今歲仍減征巍巍覆
載恩守宰親奉行時聞諸父老感激涕縱橫

渠工稅

黃河走鳴沙雙峽名青銅洪濤一縛束勢急如張弓靈武秦漢
渠上流扼其衝刷沙借水力疏濬易爲功春融土膏發士民自
鳩工錢不借水衡費不煩租庸和安百餘年眾議無異同郡城
渠有四漢唐留舊蹤我朝復增置天澤何龐鴻灌溉十萬區
禾麥青芄芃農祥甫晨正土脉如撥糶長官符亟下按畝人夫
充土石雜薪槌堆積如山崇萬人具畚鍤築鑿聲隆隆大渠三
百里支渠橫復縱工作官有程一月期易窮料理稍不慎奔瀆
仍相攻千緡萬家產擲向波濤中溝人大修防民力或不供里
長貸官錢逋欠還重重利害固相倚苦樂殊未公所願良有司
撙節念疲癯勿受黠民欺勿爲奸吏蒙恃人不恃法慮始復慮

終任人專則奮用法簡則從始事宜急急終事毋匆匆度幾金
堤固長使黃流通盈甯慶百室耕鑿安三農

堡渠長

周禮置六卿治具何其緝州閭族比隣一一備官屬漢時鄉亭
職三老最尊宿其他斗食員頗亦資教督自從保甲行無復在
齒錄徒有奔走勞而無擔石祿官既賤其人人亦恥其役朔方
屯戍地四塞兼水陸一堡置一長渠長爲之副厥初在得人明
信堅約束比來日流失抗敝寔爲俗額缺更承充充者半貪黷
堡政號殷繁渠工亦奔輳往往征調時花名若星簇公庭持手
教寄之爲耳目謂可制吏胥吏反緣爲壑一差莖十家以次相

魚肉卻暑逃亡籍株累試鞭扑豈知民脂膏狼籍飽其腹邊地
鮮蓋藏 聖恩此亭育採薪實廩困放磬起顛仆況又委任之
斂散從其出正使坐奸賊豈足償啼哭更兼絲與粒國計關錢
穀坐令百年閒積逋不可復此輩相依倚善幻如轉軸頗能知
短長不省顧榮辱木磨木則然水濟水則覆絲失絰者素弓離
縈者曲微詞勿復陳比類在君瞞莫待薰灌窮始勘狐鼠獄

山田訟

靈武多山田廣袤饒阡陌其陽皆石岡其陰半沙磧 聖朝尙
寬大軫念邊民瘠制賦從其薄數畜計牛隻任民自耘耔不復
論丈尺至今土封者賦一還占百雨澤或愆期連山地皆赤商

量負鋤耒舍此復他適數年歸故里地址不能識探囊得舊券
轉輾相尋索不謂南舍侵定訟東隣匿覲彼糞壤腴思以荒田
易盈庭語譏譏難以情理測驅車至其地約畧指疆場參以故
老言反覆得其實隱情旣已輸強詞始默塞雀鼠技易窮咄哉
何足責比歲雨暘和高田宜稼穡愚民貪天功妄冀千鍾獲乘
閒越畛畦向夜駕車輓播種猶未竟黠者抵其隙什伍呼其曹
彼此相交格蔓延滋訟端經年未能息靈澤本無私人心自多
僻甲壤共庚泥黃墟兼赤墮此皆官家地豈容爾私闢爭競漫
成風本業輒拋擲爾各田爾田爾其食爾力苦口爲爾陳不忍
操束溷歸矣事耕耘農時真可惜

醺婦辭

衛燕甘獨栖陶鵠無再偶高節照千秋從一義不苟大哉夫婦
倫斯爲風化首奈何此邦人嫁娶忍含垢結髮諧百年阿夫不
中壽骨肉猶未寒求婚來某某料理嫁衣裳仍復操箕帚媒氏
有醺言持家須舊手郎如欲娶妻女兒不如婦嫖忽背尊章歡
呼宴親友相看成習慣不謂言之醺阿婆重錢刀母家索羊酒
其忘天屬親均爲利所誘爭利偶不遂訟牒或紛糾士族且復
然蚩蚩更何有復聞東家婦良人別來久迢遙萬餘里西出玉
關口自從絕音書今已五年後田閒無秉穗室內乏升斗親屬
兩無依門戶詎能守里正代陳詞去留聽自取竟不念故雄居

然擇新牡誰謂嶺上松不如道旁柳爾情一何薄爾顏一何厚
亮由軀命重不耐饑寒受但願禾黍豐比戶康且阜生者不相
棄死者不相負激勸愧未能吾其引爲咎

賣兒謠

昔聞有林回投璧負嬰孩所重骨肉恩千金何爲哉云何蚩蚩
輩自絕其根茲不見買奴婢都向甯郡來幼女齒方齟稚兒髮
覆睂父母牽就市相望何殷殷借問若干值一緡三坡奇兒啼
父不念兒去母不思但云紇干雀從爾好處飛好處竟何處此
離定長離鄉夢久應到生小魂悽迷別有市儈徒剽販轉東西
兒身已無蒂兒命當屬誰人家養兒女三五成冠笄綢繆六親

詎珍重百歲期其歌有與樂其哭有與悲婚嫁而論財古賢斥
其非矧乃棄其身有類貨豚豨啜羹與放麕試以仁理推憶昨
設粥日有婦老且嫠自言身有子典鬻無子遺只今一身在微
命如懸絲回頭賣兒錢撒手風雨馳溫飽能幾許不死仍苦飢
予旣感斯語已乃喻遺之不聞蚤負屨銜將甘草貽不聞烏母
慈仍有反哺兒微物心尙爾爾當轉自嗤徒令桓山曲終古爲
酸嘶

兩蔣部

漢代始開置徙民實新秦遂收西郡地賴此爲本根當時走白
羊依山繕城垣雖云阻一面三面垂在邊西北固磽塉種族隳

生蠟自周無上策何論漢以還棄之弱三輔守之孤外援破完
補一倣其勢無兩全爰稽勝國時遺事可悲煎套地何么麼穴
此井底天東馳逼環慶西突連罕开此開大河險蹂躪爲通津
莽蜂起肘腋掩兔不及奔時聞出賀蘭殺人潛草間已復入村
堡搜牢無一存爾時疆場更豈無汗馬勲理國如理絲哀哉值
其芟我 朝大一統封域極廣輪自克噶爾丹已滅河朔屯蒙
鄂爾蕃部內屬爲世臣迄今百餘載膜拜奉 一尊平靈數口
道明制表閭門 詔許通互市弛禁薄其緡罽駝馬牛羊彌山
塞郊原王公大貝勒封爵被 國恩主之藩部郎玉節乘轡軒
賞功馭有罪動息必 上聞治以中國法人以中國人小臣備

職守目覩想所因自古聖人世分土無分民有如馭驛馬銜策
令其馴又如哺雛鷇七子養則均馴由天子義均由天子
仁美哉此道行萬古無邊塵

栽絨毯

蜀錦濯始成吳蠶浴還稚如何西鄙人畜牧爲耕織常聞古
原裘褐皆有事聖人盡物性因土布其利斂皮始用官貢
毳較精細大旅設旃案特用贊殷祭然猶令考工淫巧防其繼漢武
定西域方物入圖記紫氍紅氍氍氍百種屬至今資服用甯
人便體氣朔方有栽絨毯中最珍異吾嘗稽其法乃古氍毹製
工欲操奇贏增妍出新意經以更脆旃緯之木綿縫或又朱其

組杭產乃最貴屈蟠龍鳳文花樣四時媚購者動千緡巧宦與
豪隸日索日不供尺幅萬指萃厥用在何許不中衣與被但云
閨黠勝主人作高會胡床藉綺羅重褥薦珠翠別有大地衣弓
笏肯規制粉袂亘若雲輦重不易致土木被文繡侈靡蕩心志
五載窮塞垣民瘼多於蝟而身此悠悠衣食尙爲累底將有限
供趁此無窮費寄謝三數公無爲棄菅蒯

小當子

近時有歌兒其名曰當子郡中產尤多挾技走都市便串出新
變鑽波何所底公餘集寶僚百戲盛豪侈當筵召之來嫵媚齊
稚齒巧學內家妝垂髻斂鳳紫偏諸小紺裏纏臂金約指氍毹

置正中步搖行且止老郎抱琵琶對客據髯几玉撥風中挑腕
下何奔駛維時綺席閒橫斜不盈尺嚙喉澀初嚙驚頸延而跂
三聲歌未畢擊節爲驚起上客親點籌斜行白團紙曲終索纏
頭四座紛填委更鼓夜將闌主賓情未已或爲連臂歌或如坐
部伎翩翾主觴政宛轉接簪履一樽侑一曲心醉非甘醴頰頰
樺炬然戔戔玉山圯吁嗟乎此時幾欲爲情死我本非解人隨
衆聊諾唯擬將紅豆記謾以香匳比豈知舉其辭嘔噦逼心髓
詩騷逮樂府不盡刪淫靡要知作者心雅鄭各有體金元諸院
本存真汰其俚豈聞玩侏儒直欲窮猥鄙禁之固無庸狎之良
有泚奈此嗜痴人饑餒著瘡痂徒令兒女嗤豈惟壯夫耻歌詞

通六州音節頗清美胡不唱伊涼澆撥留犁七胡不唱隴頭梅
花驛邊使我有數篇詩頗合風人旨諷諭雜謠諺激昂入宮徵
惜無好女伶歌向旗亭裏黃華一嗑然古調嗟已矣

信步

信步尋幽去名園開竹扉秋光愜山意暝翠滴人衣魚破綠萍
出鳥銜紅葉飛煙中知有寺梵唱遠微微

禹碑追和顧斐瞻作

祝融峯勢高峻嶒九向九背長雲縑碑書歷劫不磨滅七十七
字森鋒稜隨刊大手古神禹明德遠矣窮名稱降神石紐

地名

父蠱天綱手挈援黎蒸參身洪流宿嶽麓鳥獸門戶勞攀登烈

風靈雨代櫛沐智營形折疲股肱疏排湛滯徙鬱塞山川險阻
四載乘元夷蒼水投百寶庚辰童律備五丞夔魑罔象萬萬黨
殊形詭質吁可惜驅令絕迹遠奔竄百靈受職江河澄從茲九
牧衣食備免營窟穴居巢櫓刮磨巨石紀平定神工鑄鑿非人
能文懸日月自興重功蓋寰海無誇矜粵楷蒼牙遶軒頡聖神
接踵書契興苞符橐籥合宣洩天誕文命爲欽承鉤鈐玉斗表
靈貺赤珪綠字標奇徵自然制作侔造化卓立曠古無其朋秦
碑漢版周獵碣俯首下視皆雲仍火維地荒絕人迹鸞鳳泊
埋榛莽窅崖或有鬼神護仄徑未許猿猱升遐之好古見未曾
咨嗟空有涕沾臍由來至寶不終祕前有宛委後羽陵乾端坤

倪忽呈露萬本揭出巖千層沈生妙悟契真宰丹餅夢授神所
憑豁如金篦刮眼膜照耀暗室然明鋌迺知蟲書鳥篆體製別
破壞古法嗤斯冰惜哉雌雄鼎鬲淪泗水龍齒齧斷黃金繩真
靈元要亦未覩石室永闕南和緡安得龍威丈人盡搜取坐使
光價百倍增虎頭南遊得此本不負梯山棧谷行擔簦蛟螭滿
幅岌飛動芒燄作作空中騰祇愁轟雷掣電破齋壁頭命什襲
藏簾滕

寒夜效陰子堅體

寒空本明迴泯復月華流遙夜屏紛務心迹暫清幽輕冰金井
結繁霜碧瓦浮盈几散細帙當戶下羅幃杯重玉醪滿鑑溫石

葉留孤嶠發高咏因之散遺愁

歲暮有懷吳松厓先生

晏歲苦短晷斜暉微明空烟淡欲無新月霞外生修夜羣動
息冬心抱孤清鐙影耿虛室霜氣流前楹林巒隔旅夢薄領妨
幽情故人渺天末相思聞雁聲

黃河冰橋

神淵吐洪溜連天駭奔騰隆冬阻利涉壯士不敢憑陰拱待其
定寒威日以增元冥妙迴斡懸流下層凌碎響寒呶呶猛勢高
稜稜排頭方競進銜尾還相承無煩夏后鐸崇山徙嵒屢不待
秦皇鞭巨石驅礪礪盲風倏怒號雷轟雪翻崩河身凍欲僵潔

腹堅如癥一片玻璃魂滉漾生鏡菱遂使百丈橋起自九曲冰
水程忽登陸川谷翻成陵虹腰蟠宛宛雁齒排層層擲杖隨方
士結筏嗤胡僧絕壑好藏舟通衢任擔登卓馬蹄驚速服牛羣
輜輳未妨壯於趾竟可麾以肱小港橫犴渡大浸飛梁升應星
照瑤光通漢連銀繩陽侯獻縞帶蛟室驟繚綾招鸞舞瑤鑑呼
龍耕玉腔題柱字易滅掀車力能勝接岸瓊肪截隔堰珠塵凝
潛虬目睇睽凍蛟背凌兢揭來理輕策甯愁滑行滕不信水可
狎翻訝雲堪乘微霜印人迹燭火明漁燈憑高望繫練躋險恐
裂繒偉哉崑崙源紫塞相環縵瑞應表 聖代榮光叶休徵津
逮出天造結構非人能車書此輻輳琛寶來頻仍昂首戴靈鼈

偃翼蹋溟鵬重險履如夷坎德洵有恒欲誇東海若奇觀得未曾

分賦朔方古蹟得元昊宮

賀蘭山勢何巖崿白草颯颯吹邊風居民尙記曩時事荒宮彷彿留遺蹤
難霄剽悍古無比緋衣青蓋腰弓矢合圍壯士慣禽生突陣
儉奴偏敢死英雄自許不受恩區區錦綺安足珍旋風
驟石鐵鉤騎萬里攻戰真如神道傍錯置銀泥合放出摩空懸
哨鴿金鼓鏖錚鏘漢將驚伏兵四面如雲集陣中忽卓鮑老旗左
盤右旋任指麾蕃書百道收銳卒英謀六出摧雄師朔方形勝
連河隴二十二州南面擁張吳狂士竟橫行韓范孤軍但陰拱

頻年贖武國空虛比戶歌謠十不如末路雄心猶倔強未甘俯
首草降書土木當時誇壯麗雲房霧殿森虧蔽差勝顛隴陳涉
王居然尊大公孫帝回首繁華總劫灰蒼茫無復舊池臺行人
駐馬斜陽外指點河山說霸才

過淨因寺

一徑碧叢叢招提在遠峯葉香眠麝草枝偃挂猿松露重溼雙
屐雪閒隨短筇憶同王法護曾此聽清鐘

石佛峽

暴暑蒸嵐氣前山驟雨餘行人衝虎過古寺近龍居陟險心常
警勞生計本疎何如投劾去高卧掩蓬廬

夏夜

苦熱爰清夜迎涼坐小軒
霞沈紅散影星過白畱痕
浪泊懷征客卑棲滯塞垣
嬌兒強解事瓜果說家園

然鐙寺晚眺

閒憑僧樓望秋山
碧到天界幽
新雨後得句晚鐘前
鐙續長明焰香凝入定
爐無由稅塵鞅空說愛逃禪

題興海峯雙驂亭詩集後

生千載後欲論詩
古人邈矣不可追
所恃古有真性情
衣冠笑貌如見之
生千載後欲作詩
作者已多胡贅爲
所恃我有真性情
前薪後火息息吹
心源方寸無盡境
變化臭腐爲神奇
精誠

上感鬼神泣質直下使婦豎知雲屋無勞架檣桷混沌詎可添
鬚眉大家相傳有祕鑰彼膚淺者焉能窺海峯先生起閩嶠弱
齡穎悟標奇姿典墳邱索經子史五行一覽咸無遺平生所學
有根柢祇以餘事爲文辭天風海濤颿入筆鯨呿鼉擲蛟龍馳
聲華一日動都下坐取科第如摘髭惜哉空衷著作手不使
簪筆隨軒墀趨庭南詔陟萬里枯魚銜索遭艱危天涯負米苦
奔走庭闈又失偏親慈白華朱萼付想像欲補詩什翻增悲伯
淮季江誼最篤脊令原上愁分離故園松桂入夢寐對床風雨
歸何時鹿門有婦勸偕隱數載未得還山貲祇今遺挂空在壁
傷心兒女啼嗷嗷先生至性重倫彙篇章感人皆涕洟纏綿悱

惻出肺腑不事藻飾矜容儀古來名輩肩參差中有真意相維
持不爾何以傳來茲一行作吏來邊陲拊循凋劫回瘡痍張堪
麥穗秀雨岐房豹井水甘如飴時從父老問疾苦猶愧素食頻
嗟咨香山樂府春陵作古音嗣響非君誰羌余少小弄柔翰繡
輦畫羽人所嘗年來結習頗知悔願儼綺語湔瑕疵先生虛懷
採葑菲手題巨軸遠見貽案頭晨夕勤覽披如得美饌忘調飢
棄膚抉髓証宗旨感君爲我作導師命爲墜引吾豈敢先鳴木
杗增嘲嗤聊憑長句誌傾倒或許挽衷登文陣

夜過彈箏峽

曾讀嘉州詩秦箏聲最苦銀甲十三行琤琮怨秋雨今我來百

泉忽聞廣樂來空天彷彿萬秦女齊排雁柱調鵲絃非絃非指
非因想天際流雲出山嚮林木蕭騷羣鳥號成連去後無真賞
戔戔空同山靈境不可攀軒轅廣成時往還疑是雲車羽衛夜
過此喚取修羅天女續續空中彈迴流戛觸秋潭石萬古商聲
自幽咽數徧青峯不見人腸斷天涯遠行客彈箏峽裏寒水清
彈箏峽畔孤月明莫言水樂無宮徵此夜試聽弦外聲

詠柑

儒生風味是耶非一點寒香沁齒微黃綬淹遲吾惜汝可知江
橘已緋衣

詠霜後菊

一夜霜風衆綠乾
幽窗還許捲簾看
隴頭不到羅浮信
誰道梅花耐得寒

題相如傳後

半榻青苔秋雨餘
茂陵消渴老相如
可憐禿盡凌雲筆
閉戶閒修草木書

雪蓮花歌

塞垣雪嶺高接天
中有異卉開如蓮
是何標格幽且潔
要與六出爭鮮妍
攜來萬里貯囊篋
色香不似凡花薦
今晨朔客持詭
我爲語物產多奇偏
窮冬草枯木僵立
九苞仙艷敷瓊田
我疑瑤光散精氣
素蘂搖曳玻璃烟
又疑玉苗發光怪
此物無乃來

于闐翻珠定滴東蛟淚斷絲欲續冰蠶綿累香國裏應未識藐
姑綽約真神仙曾聞太華玉井巔巨藕十丈誇如船嶸山冰荷
出冰壑覆鐙几尺璠膏然此花珍異豈其種託根本在蓬池邊
不爾何以耐寒江外似蓮胞中貞堅龍鬢馬乳入中國當時何
不隨張騫客言此最煩關鬲入口能使沈疴痊月支更取戎王
子禁方好補桐君編

芙蓉山館詩鈔卷五

原
受業汪士侃校訂